

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 49. Zakona o izvršavanju budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), na prijedlog Ministarstva za prostorno uređenje, promet i komunikacije i zaštitu okoline - Kantonalna direkcija za ceste, Vlada Zeničko-dobojskog kantona, na 165. sjednici, održanoj dana 12.10.2018. godine, d o n o s i

ODLUKU

o uvećanju namjenskih sredstava u Budžetu Zeničko-dobojskog kantona za 2018. godinu

Član 1.

(Predmet)

- (1) Odobrava se uvećanje sredstava u Budžetu Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) za budžetskog korisnika Ministarstva za prostorno uređenje, promet i komunikacije i zaštitu okoline - Kantonalna direkcija za ceste.
- (2) Uvećanje sredstava u Budžetu Zeničko-dobojskog kantona za 2018. godinu, vrši se na sljedeći način:
 - a) na razdjelu 19, budžetska organizacija 03, potrošačka jedinica 0001 – Kantonalna direkcija za ceste, sredstva na poziciji 821600 – Rekonstrukcija i investiciono održavanje, izdaci iz namjenskih sredstava za 2018. godinu, uvećavaju se za 1.018.234,90 KM,
 - b) na razdjelu 19, budžetska organizacija 03, potrošačka jedinica 0001 – Kantonalna direkcija za ceste, sredstva na poziciji 614100 – Tekući transferi drugim nivoima vlasti, izdaci iz namjenskih sredstava za 2018. godinu, uvećavaju se za 737.342,52 KM,
 - c) u Budžetu Zeničko-dobojskog kantona za 2018.godinu u dijelu A. PRIHODI u koloni Plan 2018. godina, sredstva na poziciji 717114 – Prihodi od indirektnih poreza na ime finansiranja autocesta i drugih cesta u Federaciji BiH, uvećavaju se za 1.755.577,42 KM.

Član 2.

(Namjena korištenja sredstava i izvještavanje)

- (1) Namjenska sredstva iz prihoda od indirektnih poreza na ime finansiranje autocesta i drugih cesta u Federaciji BIH, dio koji pripada Kantonalnoj direkciji za ceste, utrošiti će se za realizaciju projekata iz Plana zaštite, održavanja, rekonstrukcije i izgradnje regionalnih cesta za 2018.godinu, Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline. Kantonalna direkcija za ceste je dužna polugodišnje izvještavati Vladu Zeničko-dobojskog kantona o namjenskom utrošku sredstava.
- (2) Dio sredstava koji pripada općinama/gradu utrošit će se u skladu sa Zaključkom Vlade Zeničko-dobojskog kantona broj: 02-14-13977/18 od 13.09.2018. godine.

Član 3.

(Realizacija odluke)

Za realizaciju ove Odluke zadužuju se Kantonalna direkcija za ceste i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-15489/18.

Datum, 12.10.2018. godine

Z e n i c a

PREMIJER

DOSTAVLJENO:

- 1x Ministarstvo za prostorno uređenje,
promet i komunikacije i zaštitu okoline,
- 1x Kantonalna direkcija za ceste,
- 1x Ministarstvo finansija,
- 1x „Službene novine Zeničko-dobojskog kantona“,
- 1x a/a.

Miralem Galijašević